



Concello do Porriño

Concello do Porriño

TABOLEIRO DE EDICTOS MUNICIPALES

DOCUMENTO:

Data inicio de exposición: 04/12/24

Data final de exposición: 02/02/24

O Porriño, a de de

Expediente dixital nº 1261/20242.

Procedemento: Subvencións Solicitadas a Outra Administración.

Asunto: RECURSO ALZADA interposto por dona María del Mar Pintos Andrés.

Unidade xestora: 050 SUBVENCIONS.

DECRETO DE DON MANUEL ALEJANDRO LORENZO ALONSO, ALCALDE DO CONCELLO DO PORRIÑO, (PONTEVEDRA).

ANTECEDENTES

PRIMEIRO.- Bases reguladoras do proceso de selección definitivo para a contratación do persoal de dirección, docente e de apoio, a través da modalidade de contrato de traballo para a mellora da ocupabilidade e a inserción laboral, modelo 405, a xornada completa e/ou a xornada parcial durante 12 meses, que responde a necesidades urxentes e inaprazables, para o programa de emprego de persoas mozas incluídas no ficheiro do Sistema nacional de garantía xuvenil "O NOSO ENCONTRO CO EMPREGO" 2024 promovido polo Concello do Porriño.

A base 5ª requisitos específicos mínimos para selección e contratación da Director/a esixe a Titulación universitaria superior: Licenciatura ou grao.

SEGUNDO.- Acta do Tribunal de data 09-10-24, para realizar a baremación e avaliación dos méritos acreditados polos/as aspirantes admitidos/as ao proceso selectivo - resultado baremación proceso selectivo equipo OE 2024.

Na baremación das directoras acordouse o seguinte:

"O tribunal acorda que as persoas relacionadas a continuación que figuraban na lista de admitidos/as pasen a condición de excluídas porque non acreditan que cumpren os requisitos esixidos na Base 5ª das bases reguladoras do proceso selectivo (Requisitos específicos mínimos contratacións) Director/a, referida a titulación universitaria superior: Licenciatura ou grao :

Apellidos e nome
(...)
PINTOS ANDRÉS, MARIA DEL MAR"

TERCEIRO.- Relación de alegacións - instancias presentadas polas 2 persoas excluídas do proceso selectivo para directora do Programa – Obradoiro de emprego xuvenil 2024:

- (...).
- (...).
- Por Dona María del Mar Pintos Andrés, con data 10-10-2024, número de rexistro 2024-E-RE-6385, ás 21:54 horas.

CUARTO.- Acta do tribunal de data 11-10-24, para resolver as alegacións presentadas por 2 persoas contra proceso selectivo directoras equipo Programa – Obradoiro de Emprego 2024:

1

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579

DECRETO
Número: 2024-3695 Data: 03/12/2024

Cod. Validación: 3ERUZASBNTLZOWP4FEKY9RW
Corrección: https://porriño.sedelectronica.es
Documento asinado electronicamente desde a plataforma xestora esPública | Páxina 1 a 4



MANUEL ALEJANDRO LORENZO ALONSO (1 para 2)
Alcalde do Porriño
Data de Sinatura: 03/12/2024
HASH: f0d3a1f1695b0ccca5a4df1724295f



Escudo do Porriño

Eduardo Pardo Fernández (2 para 2)
Secretario Xeral
Data de Sinatura: 03/12/2024
HASH: 34460614956b72f2d7f80a5d2d46be7



Escudo do Porriño



Concello do Porriño

O tribunal estuda os escritos presentados por dúas persoas coas alegacións presentadas e acorda o seguinte:

“Visto os requisitos esixidos na Base 5ª das bases reguladoras do proceso selectivo “(Requisitos específicos mínimos contratacións) Director/a”, no que se esixe titulación universitaria superior: Licenciatura ou grao.

Tomando en consideración as alegacións presentadas polas citadas dúas solicitantes, e tendo en conta os seguintes preceptos legais:

1.- Disposición adicional oitava do RD 889/2022, de 18 de outubro, polo que se establecen as condicións e os procedementos de homologación, de declaración de equivalencia e de convalidación de ensinanzas universitarias de sistemas educativos estranxeiros e polo que se regula o procedemento para establecer a correspondencia ó nivel do Marco Español de Cualificacións para a Educación Superior dos títulos universitarios oficiais pertencentes a ordenacións académicas anteriores.

2.- O artigo 76 do RD lexislativo 5/2015, de 30 de outubro, polo que se aproba o texto refundido da Lei do Estatuto Básico do Emprego Público.

O Tribunal RESOLVE:

- (...).
- *Desestimar a alegación presentada pola interesada Dona María del Mar Pintos Andrés”.*

QUINTO.- Relación de recursos – instancias presentados polas 2 persoas excluídas do proceso selectivo para directora do Programa – Obradoiro de emprego xuvenil 2024:

- (...).
- *Por Dona María del Mar Pintos Andrés, con data 18-10-2024, número de rexistro 2024-E-RE-6588, ás 16:01 horas”.*

SEXTO.- Informe proposta do tribunal

O Tribunal de conformidade co artigo 121 da Lei 39/2015, de 1 de outubro, do Procedemento Administrativo Común das administracións públicas,

Eleva a Alcaldía o seguinte INFORME PROPOSTA:

(...).

Vista a documentación presentada pola interesada Dona María del Mar Pintos Andrés, procede desestimar o recurso polos seguintes motivos:

1.- De conformidade co apartado 5º (Requisitos das persoas aspirantes), que dentro dos requisitos específicos mínimos contratacións (non baremables) contempla *“No caso de equivalencia ou homologación da titulación está deberá xustificarse co certificado expedido polo organismo competente para establecelas”*, a recorrente non presenta a equivalencia ou homologación da titulación mínima que se esixe nas bases.

2

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579

DECRETO
Número: 2024-3695
Data: 03/12/2024

Cod. Validación: 3F94ZASNBNTLZBWP4FEKCY9RW
Conexión: https://porriño.es/electronica/ESJ/
Documento asinado electronicamente desde a plataforma xestiona esPublico | Páxina 2 a 4





Concello do Porriño

2.- De conformidade coa disposición adicional cuarta do RD 889/2022, de 18 de outubro, polo que se establecen as condicións e os procedementos de homologación, de declaración de equivalencia e de convalidación de ensinanzas universitarias de sistemas educativos estranxeiros e polo que se regula o procedemento para establecer a correspondencia ó nivel do Marco Español de Cualificacións para a Educación Superior dos títulos universitarios oficiais pertencentes a ordenacións académicas anteriores, que establece “*el régimen de titulación exigible para el ingreso en las administraciones públicas se regirá, en todo caso, por lo previsto en el texto refundido de la Ley del Estatuto Básico del Empleado Público, aprobado por el Real Decreto legislativo 5/2015, de 30 de octubre, y el resto de su normativa específica que resulte de aplicación*”.

3.- De conformidade co artigo 76 do RD lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público e coa disposición transitoria terceira deste texto legal, o título que se exige nas bases é o de licenciado ou grao, e a recorrente non acredita documentalmente a posesión de algún dos dous títulos.

FUNDAMENTOS DE DEREITO

I. FORMA.

1. Como cuestión previa cabe dicir que a reclamación, rexistrado de entrada en data 18-10-2024 co número 2024-E-RE-6588, formulada por MARÍA DEL MAR PINTOS ANDRÉS, se ben a propia redactora non a cualifica como Recurso de Alzada, pois indica que sexa admitida a reclamación sen especificar esta que tipo de recurso administrativo é (reposición, alzada, etc.), examinado o seu contido se desprende a súa verdadeira finalidade impugnatoria xa que ao pretender se lle recoñeza a súa titulación para optar á devandita contratación de persoal de dirección (o que lle foi denegado polo Tribunal do proceso selectivo ao acordar que a interesada pasase a condición de excluída porque non acredita que cumpre os requisitos esixidos na Base 5ª das bases reguladoras do proceso selectivo (*Requisitos específicos mínimos contratacións*) *Director/a*, referida a titulación universitaria superior: Licenciatura ou grao), e así mesmo pretender o restablecemento dos seus dereitos no citado proceso de selección, a restitución do proceso de selección ao momento no que foi publicada a listaxe provisional de aspirantes, e a reparación e compensación de danos a súa persoa, se reflicte que atopámonos ante unha auténtica impugnación do acordo do tribunal seleccionador polo cal a natureza de tal escritos é a de recurso administrativo, que procede cualificarse como RECURSO DE ALZADA, posto que de seu contido se deduce este verdadeiro carácter en aplicación do disposto no artigo 115.2 da LPACAP, que introduce o principio pro actione no réxime de recursos administrativos, ao establecer que o erro ou ausencia da cualificación do recurso por parte do recorrente non será obstáculo para súa tramitación, sempre que se deduza o seu verdadeiro carácter.

2. Dito o anterior o recurso de alzada formulado pola Sra. PINTOS ANDRÉS está interposto por persoa lexitimada e dentro de prazo, consonte ao establecido nos artigos 4, 121 e 122 da Lei 39/2015, de 1 de outubro, do Procedemento Administrativo Común das Administracións Públicas (LPACAP).

3. O prazo que ten este Concello para resolver e notificar a resolución do recurso de reposición é de tres mes a partir da súa presentación, conforme o previsto no artigo LPACAP, de xeito que

3

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579

Decreto
Número: 2024-3695
Data: 03/12/2024

Cod. Validación: 3F94ZASNRNTJZ9WP4FEKXY9RW
Corrección: <https://oporriño.sedelectronica.gal/>
Documento asinado electronicamente desde a plataforma xestiona esPublico | Páxina 3 a 4





Concello do Porriño

unha vez transcorrido o devandito prazo sen que haxa recaído resolución, se poderá entender desestimado.

4. Contra a resolución do recurso de alzada no caberá ningún outro recurso administrativo, agás o recurso extraordinario de revisión, nos casos establecidos no artigo 125.1 do citado texto legal.

5. Conforme dispón o artigo 121 da LPACAP, o recurso de alzada interposto lle corresponde resolvelo ao Sr. Alcalde por ser o órgano que nomeou o presidente e demais membros do Tribunal cualificador do proceso de selección.

II. FONDO

En canto ao fondo do citado recurso de alzada, os argumentos utilizados no mesmo (e que substancialmente foron os mesmos que empregou na súas reclamacións previas) non ofrecen mérito bastante para acceder ao solicitado por canto que no desvirtúan os razoamentos que o Tribunal de selección empregou para desestimar aquelas reclamacións e que constan nos antecedentes desta resolución.

Polo exposto, de conformidade coas actuación do Tribunal que consta no expediente e consonte ao disposto artigos 121 e 122 da Lei 39/2015, de 1 de outubro do Procedemento Administrativo Común das Administracións Públicas, esta Alcaldía,

RESOLVE

Primeiro.- DESESTIMAR o citado recurso de alzada interposto por don Dona María del Mar Pintos Andrés.

Segundo.- Notificar esta resolución ao recorrente e publicala na Sede Electrónica, no taboleiro físico de Edictos do Concello de O Porriño e na páxina web municipal www.oporriño.org. facéndolles saber que contra a devandita resolución, que pon fin a vía administrativa, poderán interpoñer os seguinte *recursos*:

Recurso contencioso-administrativo no prazo de dous meses, contados desde o día seguinte ao da súa notificación da resolución, ante a Xulgado do contencioso administrativo de Pontevedra, de acordo co previsto nos artigos 8 a 10 e 46.1 da Lei 29/1998, do 13 de xullo, reguladora da Xurisdición Contencioso-Administrativa. Non poderá interpoñerse novo recurso administrativo contra a resolución do recurso de alzada, agás o extraordinario de revisión cando proceda.

ASÍ O MANDA E ASINA DIXITALMENTE NO PORRIÑO NA DATA INDICADA Á MARXE

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579

DECRETO
Número: 2024-3695
Data: 03/12/2024

Cod. Validación: 3F94ZASNRTJZ9WP4FEKXY9RW
Corrección: <https://oporriño.sedelectronica.gal/>
Documento asinado electronicamente desde a plataforma xestiona esPublico | Páxina 4 a 4

